

第三一五册

明倫彙編

官常典

忠烈部

七三—七五
(卷)

古今圖書集成

中華書局影印

圖書集成

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

卷一百一十五

目錄

古今圖書集成

中華書局影印

欽定古今圖書集成明倫彙編官常典

第七百四十三卷目錄

忠烈部各臣列傳三十八

明九

徐朝綱 孫應魁

鄭鼎

胡士統

王昌引

魏顯照

楊鳴高

楊昌祚

羅一貫

陳尚仁

劉徵

祁秉忠

杜松

趙夢麟

賀世賢

陳策

楊宗業

張世顯

蔡育春

何圖

吳之引

杜韶

王命撰

李之蘭

楊以成 弟以恭

金燦

孫克恕

姬文引 僕李守恭

孟承光

黃運寧

陸從龍

黑雲鶴

王崇信

劉渠

劉經

王宣

馬林

尤世功

童仲揆

梁仲善

馬清吉 子養心

俞垣

吳身正

吳伯俊

杜統

張浩然

劉洪肅

張廷賀

陳應禎 兄應詒

姜上桂

金得勝

張國儒

湯師炎

萬應奎

方明棟

吳應元

劉佐聖

楊廷烈

南居業

李瓊

王仕俊

史之棟

李廷表

蕭如龍

李蔭

梅友松

楊嫌

王元雅

徐澤

彭文炳 弟文煒 文炳 子遇慶 遇

田毓齡

王行健 子奎光

趙友梧

邊萬里

張養靜

侯穎

趙文英

王洪

梁思泰

李毓陽

田景猷

黃運遠

馬繩祖

石有恆

李師聖

周嗣頤

韓元亨

黨還醇

安上達

楊其禮

何秉忠

陳鑫測

任光裕

李獻明

何天球

武起潛

姜炳

秦光祖

李亨

楊廷棟

蔡國勳

楊呈芳

魯紹宗

程應琦

羅成功

焦延慶

廖汝欽

韓洞原

馮維京

胡光奎

南企仲

劉之綸

陳靖華

李應陽

郭重光

張禮

張尚義

梁壯威

房應祥

張學閔

胡登龍 子光奎

田士偶

丁應掄

胡起鴻

張鴻鸞

王信

趙定周

嚴大寬

唐之靖

鄭國昌

張鳳奇

趙允殖

張國翰

唐之俊

周祥新

胡起鳴

田種玉

張承祚

楊爾俊

陸橋

張俊

張宗仁

李大敬

傅守望

卜小峯

胡承祚

石可玩

羅世傑 弟日煥 日煥

李光春

李文燦

劉可足

張汝恭

游大勳

張餘剛 子鴻猷

閻敏行	袁之淵	王國安	何宗說	黃岳來	張璠	張儼然	李調	李讓	賈煜	張茂貞	張光奎	吳開先	楊子楷	李呈章	侯標	張可大	嚴正中	謝璉	翟昇	秦三輔	張國輔	熊奮渭	王象復	盧宏引	賈騰蛟	王樹勳	李嘉植
李時新	李能一	鄧葵	王與夔	張聯台	蔣時行	吳之秀	張慶雲	張茂恂	王肇生	劉自安	張友程	趙一亨	徐從治	吳世揚	屈宜陽	徐得時	朱萬年	王協中	張奇功	陳所聞	耿弘燁	寶啓先	王阜門	孫光第			

田之環	陳孔道	王際辰	王璧光	王予爵	王求譽	馬任高	趙惟純	陳夢琛	董國柱	何炳若	趙湛	湯執中	路鴻珊	張文浩	牟孔教	周昌會	張守霜	鄭應秋	劉極	洪保兒	孟之奎	孫鳴海	趙世祥	卜雲吉	張友貴	翟三	李蕃枝
張問達	趙五典	王鉅臣	王加桂	田振奇	張四箴	馬正大	王琰	廬江王載堙	鄒天德	衛正印	梁體坤	王達	柳毓融	張丕式	李崇榮	楊狗子	張三	丘小月	孟九各	張福兒	子守道	高聲駿	郭來貴	鍾五兒	龔自學		

單應武 朱可昌
梁民榮 于守通
梁世文 王六兒
劉君福 孫來各
王國臣 李思謙
張六指 郭得名
于大才 王六
孫三 周德純
齊福 拽梯郎君
官常典第七百四十三卷
忠烈部名臣列傳三十八
明九
徐朝綱 孫應魁
按明外史忠義傳朝綱雲南晉寧人萬曆二十八年舉於鄉天啓元年授安順推官至卽署府事明年安邦彥反來攻朝綱督兵民共守土官溫如璋訓導周國光開門迎賊朝綱方出城督戰爲賊所執脅之降不屈索其印罵曰死賊奴吾頭可斷印不可得賊怒刀斧交下而死其妻聞之登樓自縊長子婦急舉火焚舍挈十歲女躍入烈篋中死孫應魁年十六持矛潰圍出城覓其祖遇賊被殺婢僕從死者十一人五年正月恤殉難諸臣贈朝綱光祿少卿蔭子入國學子天鳳甫第進士卽奔喪歸服闋授戶部主事拜疏言臣家一門臣死忠妻死節婦死姑孫死祖婢僕死主此從來未有之節烈乞如張振德例再加優恤臣母臣嫂一體旌表帝深嘉之再贈光祿卿改廕錦衣世千戶賜祭葬立祠建坊諸從死者皆附祀國光被

獲伏誅妻子爲奴其後畢節同知楊以成之子舉人與南廣順知州鄭鼎之子舉人崑貞皆援朝綱例請厚卹其父莊烈帝初卽位並允行之

楊以成

按明外史徐朝綱傳以成雲南路南人萬曆中由貢生授貴陽通判理畢節衛事秩滿進同知仍治畢節天啓二年安邦彥反圍貴陽以成具蠟書乞援於雲南巡撫沈傲紛書發而賊已至與戰却之無何賊來益衆以成遣吏懷印間道走貴州身督吏民拒守會援兵至賊方夜逃而衛吏阮世爵爲內應引賊入城城遂陷以成倉皇投縋賊繫之去乃爲書述賊中情形冀竹筒中令弟以恭赴雲南告變行至散納溪賊搜得其書遂并以成殺之家屬死者十三人五年正月贈按察僉事賜葬崇禎初再贈光祿卿世廕錦衣千戶賜祭葬建祠立坊以恭亦附祀

鄭鼎 金燦 胡士統

按明外史徐朝綱傳鼎字爾調龍溪人由鄉舉爲貴州廣順知州策安邦彥必反上書當事言狀州故無城督民樹柵實以土無何邦彥果反遣兵來攻鼎誓死固守或言賊勢盛宜走定番鼎曰吾守土吏也義當與城存亡及賊入與土官金燦端坐堂上並爲賊所殺婢僕從死者六人吏目胡士統被執亦不屈死巡撫李標上於朝贈僉事賜祭崇禎元年再贈光祿卿世廕錦衣千戶予祭葬有司建祠子崑貞後舉進士歷御史尚寶卿

孫克恕 王昌引

按明外史徐朝綱傳克恕字推之馬平人舉於鄉歷

官貴州副使分巡思石道安邦彥之亂戰死有虎守其骸不去蠻人嗟異事聞贈太僕卿賜祭葬而嘉興人王昌引爲貴陽同知分理未寧衛事天啓元年奢崇明父子據永寧反昌引被難贈僉事賜祭莊烈帝踐阼其子監生世駿言賊踞永寧臣父刺血草三揭繳印上官以次年五月再拜自縊賊恨之焚其屍二孫一孫女及僕婢十三人同日被害乞如張振德徐朝綱例優卹恤典報可

姬文引

魏顯照 孟承光

按明外史忠義傳文引字士昌華州人舉於鄉久之不第天啓二年授縣知縣視事甫三日自蓮賊徐鴻儒薄城民十九從亂文引徒步叫號驅卒卒登陣不滿三百見賊輒走存者纔數十問民何故從賊曰禍由董二董二者故延緩巡撫董國光子也居鄉食暴民以故從賊文引急懇城曉告曰良民以董二故挺而走險吾執二真諸法爲若雪憤可乎文引長身赤面鬚髯戟張賊望見駭爲神人皆懾懼羅拜俄而箭發西隅斃二賊視之延緩紗柳絳也賊謂文引給之大憤肉薄登城衆悉潰文引緋衣坐堂皇嚼齒罵賊賊前搏裂其冠裳械繫之罵不屈三日解印界小吏魏顯照及家僮李守務北向拜關遂自經賊掠顯照索印顯照潛授其父而與守務罵賊並死之事聞贈太僕少卿立祠致祀錄一子優恤顯照守務家董二踰城遁去時賊陷鄒縣博士孟承光被執詬訾不屈死贈尚寶少卿世廕錦衣千戶承光字末觀亞聖裔世廕五經博士也

楊鳴高

按貴州通志鳴高任浙江湯溪令安賊叛募兵援省至谷龍司敗績死之

黃運寧

按貴州通志運寧平霸貢生天啓壬戌安邦彥圍省城撫按以璽書召援運寧領產募衆援省至太子橋衝突賊營戰死事聞贈光祿寺丞

楊昌祚

按貴州通志昌祚鎮遠庠生襲仕推官安酋叛代父領兵援省至妻城河遇伏死

陸從龍

按貴州通志從龍都勻人萬曆戊子鄉舉任湖廣新化知縣致仕歸值安邦彥叛圍省城從龍籌募兵督征陣亡事聞贈光祿寺少卿廕一子入監從祀王三善忠烈祠

羅一貫 黑雲鶴 陳尚仁 王崇信 劉徵

按明外史本傳一貫甘肅人歷官遼東參將守西平堡時遼陽覆沒西平正當衝要一貫曉夜捍禦勞勩甚著天啓元年巡撫王化貞言於朝加副總兵先是定議化貞駐廣寧經略熊廷弼駐右屯總兵官劉渠以二萬人守鎮武祁秉忠以萬人守閭陽而一貫以三千人守西平各堅壁不戰急則互相應援明年正月十有九日兵西渡河渠戒一貫固守化貞亦嚴令毋輕戰參將黑雲鶴請出擊一貫止之不從明日雲鶴戰敗奔還城爲追兵所殲一貫憑城固拒用砲擊死攻者城外樹旗招降且遣使來說一貫不從明日騎來愈衆環城力攻一貫目中矢不能戰矢石火藥又盡乃北向再拜曰臣力盡矣遂自刎都司陳尚

仁王崇信亦死焉廷弼化貞初擁兵不救已知城猶未下化貞信游擊孫得功言盡發廣寧兵付得功及中軍游擊祖大壽令會秉忠赴援廷弼亦遣使督渠進戰渠知戰必不利面色若鐵監軍高出止之渠太息而出與諸軍設陣於平陽橋以得功大壽為前鋒得功已懷異志欲引去乃分左右翼稍却推渠秉忠居前渠等戰甚力所殺傷頗多得功及副將鮑承先等先走後軍見之亦走遂大潰渠先戰死秉忠身被二刀三矢家家扶之上馬已奪重圍而出竟以創重卒於途副將劉徹手擊殺十餘人乃死大壽走覺華島得功遂降越二日廣寧即破事聞贈一貫都督同知世廢副千戶

劉渠 邢秉忠 劉經 杜松 王宣 趙夢麟 馬林 賀世賢 尤世功 陳策 童仲授 楊宗業 梁仲善

按明外史羅一貫傳渠京城巡捕管副將也以御史楊鶴薦擢總兵官援勦遼東遼陽被圍廣寧總兵官李光榮不救反斷河橋截軍民歸路為總督文球劾罷即以渠代西平告急渠盡撤鎮武兵赴之遂戰沒秉忠陝西人萬曆四十四年為永昌參將賊銀定亥成以二千餘騎入塞秉忠提兵三百拒之轉戰兩晝夜援軍至寇敗去追還被掠人畜邊人稱之尋擢涼州副總兵經略袁應泰薦其智勇令率私卒守蒲河至則遼陽已被命為援勦總兵官守閭陽驍竟死渠秉忠並贈少保左都督增世廢三級再陰指揮僉事皆賜祭葬建祠並祀自遼左軍興總兵官戰歿者十有四人撫順則張承廢四路出師則劉經杜松王宣

趙夢麟開原則馬林藩陽則賀世賢尤世功渾河則陳策童仲揆遼陽則楊宗業梁仲善至是渠秉忠繼之恤與皆厚而饋軍之將若李如柏李秉誠麻承恩輩竟未膺顯戮云

張世顯

按淮安府志世顯大河衛人個儻有志不修小節幼孤業儒為用事者叱逐不勝裂皆發憤於兵書中萬曆癸丑武進士授烏龍關守備有威名天啓元年陞遼東戚家堡游擊次年正月被兵迎戰陣中三出三進鞭死不計其數俄衆大至他部皆反走有家丁控馬勒暫避之大喝曰有三尺在誰敢退後砍家丁手血戰重圍久之援絕頭顱被創其半死之

馬清吉

子善心

蔡育春 俞瑄 何圖

按滕縣志馬清吉子善心蔡育春俞瑄何圖賊至不屈俱死王戌之難

吳身正

吳之引

吳伯俊

杜詒

杜統

按滕縣志吳身正吳之引吳伯俊杜詒杜統賊至不屈俱死壬戌之難

王命撰

張浩然

李之蘭

劉洪肅

按滕縣志王命撰張浩然李之蘭劉洪肅賊至不屈俱死壬戌之難

張廷賀

張養靜

按滕縣志張廷賀張養靜壬戌妖變殉難

陳應順

兄應詒

按江南通志應順庠生天啓壬戌七月二十四日白蓮寇再犯夏鎮衆皆竄避獨應順與兄應詒率其族格鬪衆寡不敵並被殺

侯穎

按江南通志穎沛邑庠生值白蓮寇亂其族人從逆逼使附己穎知勢不得免先促其妻女投繯遂自殺闔門俱死

姜上桂

按江南通志上桂沛邑庠生白蓮寇陷夏鎮避亂村居為其村氓所攔父子被執罵不絕口俱被殺

趙文英

金得勝

按淮安府志趙文英金得勝俱山陽人天啓二年山東白蓮賊數萬攻掠至臨城二人應募隨淮安領兵把總討賊賊困把總於重圍二人奮勇往殺賊七人救把總出二人為亂賊碎其屍

王洪

按淮安府志洪安東人應募勦白蓮賊至徐州彭家莊探賊被獲細打逼其降不依將洪釘於二樹之間洪奮罵賊奴不絕口而死

張國儒

按登州府志國儒寧海人天啓二年竟有白蓮之亂國儒以武關第一人應材官殺賊甚衆賊提山為巢國儒鼓勇深入被圍數匝力戰復殺賊數十後軍不救遂見執罵賊死時年二十有八

梁思泰

按貴州通志思泰貴陽府同知天啓三年督餉征水西遇害事聞賜祭贈按察司僉事廢一子入監祀忠烈祠

湯師炎

按貴州通志師炎貴陽府人萬曆癸卯鄉舉官雲南

大理府推官天啓三年監軍進勦遇害事聞賜祭贈光祿寺少卿廕一子入監讀書

李毓陽

按貴州通志毓陽貴陽搭紳征水西遇害祀忠烈祠

萬應奎

按貴州通志應奎安化縣知縣天啓三年監軍進討水西遇害事聞贈光祿寺少卿廕一子入監賜祭

田景猷

按貴州通志景猷思南人天啓壬戌進士上疏自請征討水西死之事聞贈太僕寺卿廕一子入監

方明棟

按貴州通志明棟平越府同知天啓三年監軍進討水西遇害事聞贈按察司僉事廕一子入監賜祭

黃運遠

按貴州通志運遠平壩人慷慨有勇天啓三年領兵隨王三善進勦大方力戰死後祀三善忠烈祠右廡第十三座

吳應元

按鄖陽府志應元鄖西人慷慨阻科目乃徒蕭曹業得已縣尉廉敏有聲天啓三年奢會亂得應元喜甚欲授以職應元怒大罵以刀自刎事聞奉旨入四川名宦本縣入鄉賢復建忠烈祠祀之

馬繩祖

按廣元縣志繩祖利州衛百戶奢會叛督兵戰於江門身被創猶奮勇衝陣死事聞旌敘崇祀忠烈祠

劉佐聖

按四川總志佐聖永寧生員天啓中知奢會有叛情

乃服衣冠論以大義賊刃之崇禎二年奉旨旌獎入鄉賢祠

石有恆

按明外史石崑玉傳崑玉子有恆萬曆末年進士除遂安知縣徙長興天啓四年正月朔太湖賊突入其城有恆被執不屈死贈太僕少卿諡忠烈

楊廷烈

按貴州通志廷烈鳴高次子年十八娶吳氏生子甫一歲聞父陣亡棄家募兵援省督報父讎屢立奇功加參將轉戰至鴨池河死之

李師聖

按隆昌縣志師聖舉人天啓間任大同推官遇城陷闔家殉難賜卹典廕一子迎駿

南居業

按明外史南企仲傳企仲子居業萬曆三十二年進士恬於宦達天啓中始爲禮部主事尋引疾歸城陷罵賊不屈死贈太僕少卿

周嗣頤

按常德府志嗣頤常德衛指揮崇禎元年有陵南賊二百強劫桃源白晝揚帆而下嗣頤率千戶李先開追之賊舍舟登岸衆寡不敵嗣頤遂受殺撫院嘉其忠勇立祠以祀

李瓊

按會昌縣志瓊崇禎元年流賊犯境瓊奮勇殺賊數十復屢戰而死知縣蘇甘雨申聞旌表

韓元亨

按平遠縣志元亨邑諸生賦性忠義慷慨崇禎戊辰

大饑竭囊賑濟食將待以舉火會賊首鍾凌秀陳萬煽亂猖甚衆莫敢當元亨畫策保其鄉里賊畏不敢犯驅賊至上杭帥子弟鄉勇與賊鏖戰元亨手殺數賊以援募遂遇害贛院盧恪義之行牌立祠祀之旌曰文雄武英

王仕俊

按寧州志仕俊彭原所百戶崇禎初流寇近郊仕俊率兵禦勦於牛頭嶺奮勇先登殺賊數十賊衆我寡圍仕俊於溝岸孤立無援仕俊度不免乃叱咤而前手刃數賊自刎而死視旋人爭哭之

黨還醇

史之棟 安上達 李廷表 楊其禮 蕭如龍 何秉忠 李蔭 陳鑫測 梅友松 任光裕 楊燦

按明外史忠義傳還醇字子貞三原人天啓五年進士授休寧知縣有善政以父憂歸崇禎二年服闋起官良鄉十二月城突被圍還醇督吏民棄城拒守或言縣小無兵盍避去還醇毅然曰吾守土吏也去將安之救兵不至力屈城破與典史史之棟教諭安上達訓導李廷表驛丞楊其禮並死焉事定父老覓還醇屍得之草間赤身面縛體被數槍羣哭而殮之上達貴州安順人萬曆末年舉於鄉調選得教諭至是闔門死難事聞贈還醇光祿丞子祭葬有司建祠官其一子之棟等亦贈卹給驛歸其喪已而吏科上言還醇城亡與亡之死靡貳猶曰有守土責也之棟上達等尤賤下吏倘抱頭鼠竄何地不可容身乃致命遂志有死無隕即破格褒崇誰曰不可朝廷必不惜今日之虛名作將來之忠義乃僅贈良鄉主簿國學

第三一五冊 之三葉

明倫彙編官常典第七百四十三卷忠烈部

第三一五冊 之三葉

第三一五冊 之三葉

第三一五冊 之三葉

第三一五冊 之三葉

第三一五冊 之三葉

第三一五冊 之三葉

第三一五冊 之三葉

第三一五冊 之三葉

第三一五冊 之三葉

第三一五冊 之三葉

第三一五冊 之三葉

第三一五冊 之三葉

第三一五冊 之三葉

第三一五冊 之三葉

教職於聖主優恤之典謂何帝感其言下部更議乃贈上達五經博士與其禮等及千戶蕭如龍何秉忠百戶李騰並配祀還醇祠武舉人陳鑫測諸生梅友松等十五人烈婦朱氏等十七人並建坊旌表無何順天府尹劉宗周以上達得死難之正請贈翰林官坊以爲世勸不報當是時列城被兵多失守其以死事聞者更有香河知縣任光裕灤州知州楊燦光裕贈卹如還醇燦贈光祿少卿並任一子

李獻明 王元雅 何天球 徐澤 武起潛

按明外史忠義傳獻明字思皇壽光人崇禎元年進士授保定推官明年十一月遵化被圍巡撫王元雅與推官何天球遵化知縣徐澤及先任知縣武起潛等憑城拒守時獻明以察核官庫在城中或謂此邑非君所轄去無罪獻明正色曰莫非王土安敢見危避難請守東門未幾城破遂死之元雅太原人爲巡撫數月即遇變自縊而死天球以未平推官理遵化軍餉澤字允若襄陽人獻明同年進士泣任甫七日與天球起潛並殉難起潛字用潛進賢人天啓五年進士初爲武清知縣有諸生爲人所訐納金酒甕以獻起潛召學官及諸生貧者數人置甕庭中謂之曰美酒不可獨享與諸君共之酒盡金見其人惶恐請罪即以金分畀貧者治縣一年有聲調繁遵化坐事被劾解官候代遂及於難三年正月巡撫方大任論畿輔諸臣功罪因言元雅有失城罪而一死節槩凜然足以蓋愆其秋樞輔孫承宗請卹殉難諸臣亦首元雅帝贈獻明天球光祿少卿澤光祿丞俱蔭一子元雅以大吏失城贈卹不及

彭文炳 弟文煥 文炯 文煥 子遇騰 遇

按沂州志文炳字太嚴由沂州衛指揮歷任順天巡撫標下遊擊將軍駐劄遵化於崇禎二年邊徼之變城破文炳同巡撫王元雅死節時弟文煥文炯文燦子遇騰遇騰闔家死之一門忠烈崇祀鄉賢

田毓齡

按安肅縣志毓齡字椿喬舉人署教遵化己巳十月城陷守東門死難

姜炳

按萊陽縣志崇禎二年冬土賊董大成率衆攻城炳以與大成有舊願往說之絕城詣賊營極陳利害大成聞之有悔心衆賊懼有變亂刀砍死之

王行健 子奎光

按蠡縣志行健萬曆己未進士任戶部廣東清吏司主事管倉差五月報羨米二千餘石管廠差六月裁匠人冒破二千餘兩管新餉庫一年報羨銀六千餘兩俱各部紀錄九江口鈔官九江關月除正項解足外羨銀四千五百兩盡數買銅解部公用以親老辭官歸養臺省時薦章七上曾未之出己巳兵薄都城倡義齋本捐餉千金奉旨建坊優旌林下修蠡兩關石橋往來永賴兵至蠡城分守南門汛地不離同長子康生奎光殉難

秦光祖

按涇陽縣志光祖少習騎射崇禎己巳賊至仗劍從戎爲流矢所中奮力戰不已竟死於賊

趙友椿

按涇陽縣志友椿字鳳喈崇禎間歲貢時羣盜蠶起

友椿率居民守堡練兵與賊戰屢多斬獲賊攻城五日不能下計詎夜遁後以奸人內應城陷死之

李亨

按涇陽縣志亨勇敢多力崇禎己巳憤賊亂自請從軍所殺傷甚衆值羣卒潰散獨奮身入賊營被害

邊萬里

按永平府志萬里山海衛百戶以都司管中軍事崇禎己巳入衛京師行至鄆州五里橋敵兵掩至據橋大戰自未至酉身被重圍力戰死

楊廷棟

按永平府志廷棟山海衛百戶少以勇力稱爲揚武營千總郡城破奮擊死之

蔡國勳

按永平府志國勳山海衛千戶率兵恢復遵化偵探軍情奮勇直前力戰而死閩部孫承宗題卹贈指揮僉事

嚴大寬

按永平府志大寬山海衛千戶從總兵趙率教應援遵化中途適衆潰大寬力戰不退死之

楊呈芳

按永平府志呈芳字桂林山海衛人由明經授魯山令居官平易時土寇蜂起與衙胥結通呈芳知事不克濟冠帶坐堂上賊環侍不忍加害出入數次始狀之爲具棺殮後其弟往收其屍經年啓視面貌如生事聞贈汝州知州

唐之靖

按永平府志之靖紹興府山陰縣人由舉人崇禎元

年任武學科正三年永平被圍之靖度不能支先令闔家俱焚因謂左右曰吾死之後亦焚吾屍遂西向再拜自縊而亡從容就義論者惜之事迹入武廟忠烈祠崇祀

魯紹宗

按平遠縣志紹宗邑人初爲掾吏慷慨有大節崇禎戊辰知縣金一鰲蒞任流寇猝至檄紹宗往招撫蘇俊等降之又禦賊於下壩等處斬獲賊數十給把總衛督鄉兵斬賊首黎二總等一鰲上其功於處撫洪瞻祖授石正營把總奉勦壩頭梅子倉鐵山嶺等處斬首二百餘生擒余汝器岐眉總等賊四名又密擒叛撫賊蘇俊等斬級百餘巡道謝璉多其功賞賚有加時九連山賊犯境紹宗斬賊首謝九功又生擒謝一善等八十餘名輜重器械不計是時三省具疏合薦授守備崇禎二年流賊吳日舜謝學能等復行劫掠長樂界又賊劉喇梨千斤拔等寇大埔連山等處紹宗先登擒獲最多又進勦梨樹坪塘坪二處擒獲徐阿等紹宗數年身歷行間所至有功邑人賴之崇禎三年流賊又至紹宗易之即單騎入賊中迫潰圍出墜馬馬逸紹宗步戰相接死之當事甚爲傷悼平邑爲置祭田付子孫祀之

鄭國昌 程應琦 張鳳奇 羅成功 趙允
廼 焦延慶 張國翰 廖汝欽 唐之俊
韓洞原 周祚新 馮維京 胡起鳴 胡光
奎 田種玉

按明外史忠義傳國昌邠州人萬曆三十五年進士歷官山西參政崇禎元年以按察使治兵永平還山

西右布政使上官奏留之三年正月值城被圍國昌登城守禦須臾北樓火發城遂破國昌自縊於城上中軍守備程應琦從之應琦妻奔告國昌妻與之偕死知府張鳳奇推官羅成功盧龍教諭趙允廼副總兵焦延慶東勝衛指揮張國翰及里居中書舍人廖汝欽武舉人唐之後諸生韓洞原周祚新馮維京胡起鳴胡光奎田種玉等十數人皆死國昌鳳奇一門盡死事聞贈國昌太常卿鳳奇光祿卿並賜祭葬廕一子成功等贈恤有差鳳奇陽曲人起家鄉舉

南企仲

按明外史本傳企仲字伯稭渭南人祖大吉正德中進士歷紹興知府有聲王守仁方家居大吉從之游爲闕稽山書院聚諸生講學守仁極稱之企仲舉萬曆八年進士以祖母年高請終養時相張居正奪情爲其所惡下撫按勘問時論駭焉十二年起授兵部主事乞假歸里人有寓貲其家者夫婦並沒企仲呼其子還之尚書孫不揚聞其事遂調之吏部企仲不知也歷考功文選郎中擢太常少卿進太僕卿陳馬政七事多見施行三十年帝以疾詔免礦稅釋繫囚錄建言貶斥諸臣既而悔之命礦稅如故餘所司議行而吏刑二尚書李戴蕭大亨遲回數日未奏企仲抗疏劾之請亟罷二臣以謝天下勅二部如詔奉行以收人心帝大恚傳諭盡停二事嘉戴大亨守法而落企仲一官戴等引咎乞母以人言中止帝竟不從是時給事中蕭近高御史李培余懋衡亦上疏請信明詔帝益怒並奪其俸因命曩歲降謫若鄒元標等官六品以上者鑄二秩用六品以下者貶雜職雜職

者斥爲民旦下舉朝大駭輔臣合詞論救報曰朕怒南企仲當君父違疾時在言無上又使新進言官逞臆妄論故有此旨今鑄二秩者停俸一年貶雜職者鑄一秩爲民者並免先是起廢命下中外歡呼至是更以人言重其罰朝野益失望於是廷臣有咎企仲激沮者刑科給事中張鳳翔遂劾企仲先爲吏部擠同官武之望而去之見擯清議故假建言博名遂削企仲籍大啓初起太常卿遷南京戶部右侍郎引疾歸崇禎二年薦起南京戶部尚書明年就改吏部尋以老致仕李自成陷渭南不食而卒年八十七贈太子太保

張承祚

按平遠縣志承祚本邑守備崇禎三年五總遺孽鍾凌秀等作亂糾集賊黨數千流劫會昌武平上杭等縣殺傷官兵承祚追賊死之

劉之綸

按明外史本傳之綸字元誠宜賓人家世務農之綸讀書暇從父兄力田大啓初舉鄉試值奢崇明反倡父老守城上書監司請扼賊歸路監司不能用賊得渡瀘逸去崇禎元年第進士改庶吉士與同館金聲友善相與結賢豪養死士備國家緩急用明年冬都城被兵數上書陳方略帝壯之會聲召對薦之綸知兵帝即召見奏對稱旨超擢兵部右侍郎副尚書閱募得協理京營戎政之綸未受任時已貸數百金製木爲西洋大小砲百餘具又製獨輪火車偏廂車獸車皆輕捷利用而所請弓矢器甲主者不以時應所招死士又不得給衣裝實犒賈之綸以爲言因進曰

臣用兵有大綱十六字始則尊禮英豪召募義勇繼則任賢使能賞功罰罪有節目八字氣以吞之計以取之因請精兵一萬為進攻計帝亦不能盡從時武經略滿桂方戰歿朝廷大震之綸冒風雪馳通州守者不納夜宿古廟明年正月引兵前進奏軍機七疏俱不報而朝士忌其驟貴巡按御史董羽宸因劾其逗遛騷擾之綸疏辨末言舍安就危憂君父而獨肩至艱之任以積骸成山流血成川時孤軍獨進遇敵未嘗損一人宜為羽宸所怪異小入量隘有事則推委無事則議論止從一侍郎起見耳乞削臣今官賜骸骨歸田養母臣不勝至願帝優詔策厲之會遵化失守未平援軍皆觀望獨之綸奮前約總兵馬世龍吳自勉趙永平奎制而親率所部直抵遵化離城八里營於娘娘山世龍等負約遇三萬騎來迎二十二日兵交之綸發一火砲有所擊傷再發則砲炸營中自亂左右請結陣徐退之綸慨然曰吾受天子厚恩誓捐軀以報戰不捷死耳敢言退者斬乃再戰自辰至酉士殊死力鬪矢盡短兵接之綸知不可為大呼曰死死負天子恩解所佩印付家人曰持此歸報朝廷俄身被兩矢遂死全軍盡沒世龍等在薊州擁兵不救之綸驟膺重寄卒未訓練徒以忠義激發與之同盡天下稱其忠母陳氏年七十五子二長五歲次二歲家貧不能返柩母疏於朝命給驛還賜一祭半葬任一子國學生至十五年廷臣復請追卹贈兵部尚書

楊爾俊

按盧龍縣志爾俊汝寧通判庚午城陷不屈遇害勅

祀表忠祠

陳靖華

按盧龍縣志靖華東勝衛指揮掌末平衛印典屯利國撫綏有方庚午守東城死於難

陸橋

李應陽

張俊

郭重光

張宗仁

張禮

李大敬

張尚義

傅守望

按盧龍縣志陸橋醫官李應陽張俊郭重光張宗仁張禮李大敬張尚義傅守望俱死庚午之變附祀表忠祠

梁壯威

卜小峯

房應祥

按盧龍縣志壯威千總也品格軒昂膂力過人精於騎射庚午城陷人或勸之去壯威曰吾守死於此吾事也何去奮力臨敵射不虛發會矢盡持短兵接戰死亂兵中祀表忠祠卜小峯城守千總亦戰死房應祥城守中軍督鄉兵巡城城陷血戰而死

胡承祚

張學閔

按盧龍縣志胡承祚張學閔皆盧龍人膂力弓馬擅名一時庚午為城守總管城陷俱戰死堞間

石可玩

按盧龍縣志石可玩盧龍人時為千總庚午城陷閉門闔室自焚

胡登龍

子光奎

按盧龍縣志登龍盧龍人庚午城破登龍義不求生攜子生員光奎暨閨門男婦俱投火中而死

羅世傑

第日俊

日保

日折

按盧龍縣志世傑求平生員庚午之變有第三人日峻日保日折一弟守家世傑同二弟守城城陷皆死

於戰守家者亦自殺

田士儒

按盧龍縣志士儒生員種玉姪庚午城將陷赴戰死於東城上

李光春

丁應掄

李文燦

胡起鴻

劉可

足

張鴻鸞

按盧龍縣志李光春丁應掄李文燦胡起鴻劉可足俱生員張鴻鸞武生同死庚午之變附祀表忠祠

張汝恭

按澤州志汝恭字行五廩生授徒北平庚午城破衆潰汝恭期其城存亡獨力戰中五創死旨旌其忠

王信

按雲南通志信四川宜賓人崇禎間知呈貢縣普名聲叛鎮撫令信為監軍敗績罵賊而死事聞予贈廕

游大勳

趙定周

按雲南通志大勳江南婺源貢生崇禎間任通判好士恤民以才略著普名聲叛大勳督土舍王顯祖及郡人趙定周往禦營壘未立賊突至土兵奔潰大勳正色當之遂遇害定周亦死立祠祀之

張餘剛

子鴻猷

按埔陽縣志餘剛澤州人崇禎庚午流寇陳癩瘡掠湖寮三河危如累卵知縣李秀賢檄三河鄉兵臨河禦敵餘剛為先鋒時各兵俱畏縮餘剛挺身擊賊死

之子鴻猷邑庠生懼父履險因與餘剛負戟前驅見父亡憤不顧身橫槍刺賊數人亦死之秀賢悼其父子義勇旌額曰忠孝一門備牲詣其家祭焉

閻敏行

按杞縣志敘行字誦之崇禎庚午武舉寇圍城戰於山字頭被執死之

袁之淵

按杞縣志之淵邑庠生教授大梁出曹門遇寇欲收之帳下罵誓不從遂遇害

李時新

按濟南府志時新商河舉人授直隸武強縣知縣以廉幹著聲調攝強會妖賊數千作亂剿掠近邑親率土兵迎敵殲其渠魁餘黨散平兩臺疏薦擬陞京秩以疾告歸值叛兵陷城不屈死之崇禎六年詔贈光祿寺署正

王國安

按濟南府志國安商河貢生任曲阜縣教諭丁憂回籍崇禎四年有叛兵圍城國安督衆禦敵城陷被執不屈身死六年朱巡撫大典題請贈國子監助教賜祭

謝指揮

按柳州志謝指揮領茶陵哨軍分守桂陽崇禎四年粵賊鍾凌秀陷城被執抗不屈膝賊劈其膝遂支解之

何宗說

按始興縣志宗說讀書自負少有大志落落無所阿從崇禎辛未遇賊執之命之跪堅節不屈驅之行厲聲罵賊曰士可殺不可辱與其屈身於汝等非我志也寧至於死賊怒遂戮之

李能一

按英德縣志能一業儒驍勇過人崇禎四年流賊劫

塘下村羣族被擄能一獨與賊鬪斬八九賊賊以槍刺之乃奪回槍復斃二賊槍折被擒賊逼之跪能一厲聲罵賊義終不屈竟被害

黃岳棠

按同安縣志岳棠崇禎初以掾尉廣東英德四年賊犯城督兵與賊戰死之英德人立祠祀之

鄧葵

按廣東通志葵樂昌人忠毅鄧顯後裔邑諸生性負剛俠崇禎辛未流賊破城葵身護縣令林開復罵賊而死

張瑤 王與夔

張儼然

張聯台

李調

蔣時行

李讓

吳之秀

賈煜

張慶雲

按明外史忠義傳瑤蓬萊人天啓五年進士授開封府推官絕請寄抑豪強吏民畏如神崇禎四年行取入都吏科宋鳴梧力援宋致爲給事而抑瑤僅得府同知瑤大怒疏撫政行賄狀吏部尚書閔洪學等亦劾瑤饋遺奔競鳴梧復極論之遂謫河州判官未赴旋里明年正月李九成等逼登州瑤率衆登陣拒守城陷瑤猶揮石奮擊賊擁執之大罵不屈被殺妻女四人並投井死贈光祿少卿先是賊陷新城舉人王與夔張儼然死之其陷他縣者貢生張聯台蔣時行亦死之皆格於例不獲旌禮部侍郎陳子壯上言舉貢死難無恤典舊制也然名旣登於天府恩獨後於流官九泉之下能無怨悵比者武舉人李調禦賊捐軀已蒙贈恤武途如此文儒安得獨遺乞量贈一官永爲定制可之乃贈與夔儼然宛平知縣聯台時

行順天府教授其後地方死難若舉人李讓吳之秀賈煜張慶雲貢生張茂貞張茂恂皆贈官如前制

張光奎

王肇生

吳開先

劉自安

按明外史忠義傳光奎澤州人仕至山東右參政崇禎五年流賊躡山西監司王肇生知歙人吳開先勇略便宜署爲將使擊賊戰澤州城西賊敗去從沁水轉掠陽城開先恃勇渡沁戰北雷墩下擊斬數百人砲盡無援一軍盡殲賊乃再犯澤州光奎方里居與兄守備光璽千總劉自安等率衆固守八日援兵不至城陷並死之澤大州也遠近爲震動事聞贈光祿卿光璽等贈恤有差

楊于楷

張友程

李呈章

趙一亨

侯標

按明外史張光奎傳崇禎五年紫金梁等寇遼州里居行人楊于楷與主事張友程佐知州信陽李呈章拒守力屈城陷于楷被執罵賊死呈章友程及舉人趙一亨侯標並死之贈于楷光祿少卿

徐從治

張可大

吳世揚

嚴正中

屈宜

陽

謝理

徐得時

翟昇

按明外史本傳從治字仲華海鹽人萬曆三十五年進士除桐城知縣築堤八萬餘丈以捍水災坐事貶武學教授屢遷南京禮部郎中濟南知府舉卓異遷充東副使駐沂州天啓元年妖賊徐鴻儒反郟城連陷鄒滕嶧縣伏黨沂州爲內應從治捕得之嚴兵守請起家居故總兵楊肇基主兵事而獻搗賊中堅之策於巡撫趙彥遂滅鴻儒事詳彥傳時副使王從義僉事來斯行並爲監軍有功從治功最旋以右參政分守濟南錄功進右布政使督漕江南會餘孽復煽

巡撫王惟儉奏留之尋告歸大計中浮言議調莊烈帝嗣位以故秩飭薊州兵備軍久缺餉諸營謀而甲巡撫王應身及巡按總兵論弗聽從治借總兵麻登雲馳入營給以三月餉卒欲給如額質登雲從治還告應身勒兵逼之亂遂定時崇禎二年春也進秩左布政使請告歸四年起飭武德兵備孔有德反山東巡撫余大成檄從治監軍明年正月馳赴萊州而登州已陷大成削籍遂擢從治右副都御史代之與登萊巡撫謝理並命詔璉駐萊州從治駐青州調度兵食從治曰吾駐青不足鎮萊人心駐萊足係全齊命乃與璉同受事於萊有德遣人與耿仲明李九成毛承祿輩皆毛文龍帳下卒也文龍死走入登州登萊巡撫孫元化官遠久素言遼人可用乃用承祿為副將有德仲明為遊擊九成亦為偏裨且多收遼人為卒是年大凌河新城被圍部檄元化發勤卒泛海趨耀州鹽場示牽制有德詭言風道逗遛乃命從陸赴寧遠十月晦有德及九成子千總應元統千餘人以行經月抵吳橋縣人罷市衆無所食宿一卒與諸生角有德答之衆大譁九成先齋元化銀市馬塞上用盡無以還適至吳橋聞衆怨遂與應元謀率部卒劫有德有德從之還兵大掠陷陵縣臨邑商河殘齊東圍德平既而舍去陷青城新城剽掠厭乃整衆東巡撫余大成者江寧人天啓時為職方郎中嘗奏發大學士劉一燝私書辭之去大成亦移疾歸後魏忠賢黨召復其官而大成卒以事件忠賢至削籍崇禎改元復起故官加太僕少卿有清執名遂由太常少卿擢右副都御史巡撫山東大成雖久居兵部軍旅非

所長白蓮餘賊未靖又有逃兵之變不能討御史謝三寶宋賢先後詆之及聞有德叛託疾數日始遣中軍沈廷諭參將陶廷鑑往禦廷諭遇賊而走廷鑑復大敗大成乃移兵追賊而元化軍亦至元化字初陽嘉定縣人登鄉科從徐光啓游得西洋火器法天啓六年會試入都值廣寧覆沒條備京防邊二策告當事給事中侯震陽薦之朝又以孫承宗請令主建砲臺及教練法畫書經略軍前元化因請據寧遠前屯以策干王在晉不能用又與袁崇煥爭在晉建重關之非承宗行邊還奏授兵部司務已而承宗代在晉築臺製砲如元化言召還為職方主事崇煥守寧遠復命元化為畫書崇煥與在晉及滿桂相失元化還朝請以關外事專委崇煥惡崇煥者謂之魏忠賢罷其官崇禎元年起武選員外郎進職方郎中經略崇煥乞以自輔改山東右參議整飭寧前兵備京師戒嚴崇煥入援及下獄祖大壽潰還元化調劑令復入關梁顏乘虛犯寧錦遣將擊卻之時永平失守關內外相隔絕者半年餘軍食久虛將士單弱列城得無虞元化力也三年六月皮島副將劉興治為亂廷議復設登萊巡撫遂擢元化右僉都御史任之駐登州遣使諭定典治明年島衆亂興治被殺元化請以副將黃龍代先後次其兵六千餘人及有德變大成所遣兵敗以撫自愚而元化亦力主撫檄賊所過郡縣毋遣擊賊長驅無取加一矢者賊伴許元化降元化師次黃山館而返賊兵遂抵登州元化遣將張燾率遼兵駐城外總兵張可大發南兵拒賊元化猶招賊降賊不聽五年正月戰城東可大兵方勝燾還退可

大兵遂敗燾兵半降賊賊遣歸為內應士民爭請勿容入元化不從賊俱闖入中軍耿仲明都司陳光福等夕舉火導賊自東門入城遂陷元化自刎不殊與參議朱光蘭僉事王徵及府縣官悉被執惟可大死之大成聞乃馳入萊州為守禦計初登州被圍朝廷鑄大成元化三級令辦賊及登失守革元化職候勘而以謝理代時有德推九成為主己次之仲明又次之用巡撫關防檄州縣兵餉而令元化等移書大成求撫欲昇以登州一郡有德黨參將余五化力言撫可成大成為聞於朝言官力攻之帝乃命革大成職候勘而以從治代當從治璉未受事時賊先已破黃縣知縣吳世揚死之已而攻萊從治璉與總兵楊御蕃等分陣守御蕃擊基子也積戰功至通州副總兵會登州陷兵部尚書熊明遇奏令署總兵官盡將山東兵與保定總兵劉國柱天津總兵王洪冠期並進遇賊新城洪先走御蕃拒兩日率二百騎突圍出遂入萊城從治璉倚以拒賊賊攻兩日不下大掠分兵陷平度知州陳所問自經死賊益攻萊用元化所製大砲且日穴城城多頽從治等投火灌水穴者死無算又時出兵掩擊毀其砲臺斬獲多而明遇惑大成撫議命主事張國臣為贊畫往撫并安輯遼人之在山東者以國臣遼人也國臣先遣聲將金一鯨入賊營已而國臣亦入為賊移書且遣一鯨還懇母出兵填撫局從治等知其詐叱退一鯨遣間使三上疏言賊不可撫最後言萊城被圍五十日危如累卵日夜望援兵卒不至度必為撫議所誤國臣致書臣內抄詔旨并兵部諭帖乃知部臣已據國臣報達聖聽夫

國臣桑梓情重忍欺聖明而陷封疆其初遣一鯨入賊營何嘗有止兵不攻之事果止兵或稍退舍臣等何故不樂撫特國臣以撫為賊解而賊實借撫為緩兵計一鯨受賊賄對援師則誑言賊數萬不可輕進對諸將則誑言賊用西洋砲攻城將陷矣賴我招撫賊即止攻夫一鯨三入賊營每入賊攻益急而國臣乃云賊稱我總城下擊致彼之攻是使賊任意攻擊我不以一矢加遺如元化斷送登城然後可成國臣之撫耶當賊過青州大成擁兵三千追賊甚易元化遺書謂賊已就撫爾兵不可東大成遂止勿追致賊延蔓今賊視臣等猶元化乃為賊解曰吳橋激變有因也一路封刀不殺也聞天子詔遂止攻掠也將誰欺盈廷中國臣妄報必謂一紙書賢於十萬兵援師不來職是故矣臣死當為厲鬼以殺賊斷不敢以撫之一字謾至尊清國是悞封疆而致生命也疏入未報當是時外圍日急國柱洪及山東所調援軍俱頓昌邑不敢進廷議兩撫臣並困圍城中止巡按御史王道純在外乃議設總督以兵部右侍郎劉子烈任之調薊門四川兵統以總兵鄧玘調密雲兵統以副將牟文綬以右布政使楊作楫監之令赴援三月宇烈道純作楫國柱洪玘及監視中官呂直義勇副將劉澤清新兵參將劉永昌朱廷祿監紀推官汪惟效等集昌邑圯國柱洪澤清等抵萊城馬步軍二萬五千勢頗盛而宇烈無籌略諸帥皆懦怯抵沙河日遣使講撫還所獲賊陳文才於是賊盡得虛實亦以撫愚宇烈而潛兵繞其後盡焚輜重宇烈遂走青州撤三將兵就食玘等半夜拔營散賊乘之大敗洪國柱

走青離玘走昌邑澤清抵萊城接戰傷二指救不至亦敗回平度惟作楫不去三將既敗朝中譁然明遇知官兵不可用益堅撫議先是登州總兵可大殉難以副將吳安邦繼之安邦九性純奉令屯寧海規取登州仲明揚言以城歸安邦信之離登二十五里而軍中軍徐樹聲薄城被執安邦走還登旣不能下而賊困萊久連從治御蕃日堅守待救至四月中旬從治中砲死萊愈危山東土官南京者合疏攻宇烈請益兵於是調昌平兵三千以總兵陳洪範統之加以提督銜洪範遼人明遇猶真定撫議也天津舊將孫應龍自言與仲明兄弟善能令其縛有德九成降巡撫鄭宗周予兵二千人令從海道往仲明乃偽函死人首遺應龍曰此有德首也應龍率舟師抵水城賊迎入猝縛斬之無一人脫者賊得巨艦兵益盛島帥黃龍攻賊不克而還賊遂破招遠圍萊陽知縣梁衡固守賊敗去宇烈復至昌邑洪範文綬等亦至萊州推官屈宜陽請入賊營講撫賊佯禮之宜陽遣人言賊已受命宇烈奏得請乃手書諭賊令解圍賊邀宇烈見宇烈慮劫不往遣營將嚴正中送龍亭過河賊擁之去而遣宜陽還萊請文武官出城開讀即解圍御蕃及鄉官張忻等力言不可信連謂圍且六月勢無如何遂借監視中官徐得時翟昇知府朱萬年同出有德等皆叩頭涕泣連慰諭之而還明日賊遣宜陽入請連連御蕃同出御蕃曰武臣第知殺賊何知撫事忻等復力言不可連不聽復出有德遂執連等猝攻城却令萬年呼降萬年厲聲曰吾死矣汝等宜固守罵不絕口而死賊知萊不可得送連及二中

官至登幽之正中宜陽皆死初撫議與可大元化皆敗從治極言不可獨宇烈與諸將信之而尚書明遇主其議至是舉朝痛憤詔逮宇烈下獄調關外勦卒征之罷總督及登萊巡撫不設專任代從治者朱大典明遇坐主撫誤國罷歸遂絕撫議大典合兵攻萊八月申兵甫接賊輒大敗圍解有德等走登九成方在登聞敗即害連及二中官大典圍登九成出戰死久之城破有德仲明入海遁生擒承祿等斬應元賊盡平事詳大典傳詔贈從治兵部尚書賜祭葬廕錦衣百戶立祠曰忠烈贈連兵部右侍郎亦賜祭葬建祠廕子以御蕃功多加署都督同知總兵鎮登萊而宇烈以次年遣成連宇君實監利人宇烈綿竹人大學士宇亮兄也本無才望謬升重任其戍也人以爲失刑大成逮下獄遣成赦還卒於家元化自賊所縱還詔逮之首輔周延儒謀脫其死不得則援其師徐光啓入閣共圖之卒不得同張燾藥市光蘭徵充軍朱萬年 秦三輔 王協中 張國輔 張奇 功 熊奮渭 陳所聞 按明外史忠義傳萬年黎平人萬曆中舉於鄉歷官萊州知府有惠政崇禎五年二月賊魁李九成等既陷登州遂擁衆來犯城中士民洶洶欲竄萬年下令嚴禁督率吏民憑城固守時山東巡撫徐從治登萊巡撫謝連並在城中賊攻圍數月萬年飭守具給軍食未嘗之絕已而從治中砲死外圍益急城中守禦益堅賊知不可下數詭詞進降連信之以七月七日偕萬年出城往受遂為賊所執萬年誑之曰爾執我無益可以精騎從我呼守城者出降賊果以精騎五

百擁萬年至城下大呼曰我已被擒誓必死彼精銳盡在此可急發砲擊之母以我爲慮守將楊御蕃不忍萬年復頓足大呼賊怒將殺之大罵而死城上人見萬年已死遂發砲賊死過半事聞贈太常寺卿賜祭葬有司建祠官其一子方賊之還掠新城也知縣秦三輔訓導王協中禦之並死焉其陷黃縣知縣吳世揚罵賊死縣丞張國輔參將張奇功守備熊奮渭力戰死陷平度知州陳所聞自縊死三輔世揚贈光祿少卿所聞贈太僕少卿並賜祭葬建祠廕子協中國輔奇功奮渭亦贈恤有差三輔三原人世揚洛陽人所聞畿輔人並起家乙榜明世恤忠之典凡身死網常與死封疆者皆贈官廕子賜祭葬或賜諡立祠婦女則建坊旌表其典最爲優厚若所司失奏及後人自陳請者天子輒嚴旨譴讓故一時忠盡之臣鮮不顯暴於世今採摭先後死事者盡著於篇但志所贈之官其他卹典槩可類推故不悉志云

王象復

按新城縣志象復字完初之飲子仕爲保定府同知天啓中以不拜瑞祠罷崇禎初起廢籍再保定謝政歸未幾潰卒之變發難吳橋連陷臨邑商河青城諸縣進薄新城時承平日久人不知兵猝聞賊至皆走匿象復方屬疾躍起曰吾家世受國厚恩諒不可去且先去以爲民望令長其誰與守子與變從傍贊之亟以蒼頭數十輩登陴與知縣秦三輔部署未畢亂兵已傳城堞急發礮殲其渠董指揮者頃之焚北門入父子皆被執不屈死之尸相抱不可解巡撫都御史朱大典列其事上聞贈光祿寺少卿祀表忠祠

耿弘輝

按新城縣志弘輝字映明邑庠生初就外傳即能了句讀入泮後篤志下帷有聲黌序而氣誼肝膈往往過人凡宗族鄉黨間事無鉅細必身任而幹旋之期得當而後已辛未潰卒之變城失守被執不屈死妻許氏年方十八遺腹生子克仁許氏矢志靡他篝燈課讀壬子克仁領鄉薦己未捷南宮慈訓之力居多

盧宏引

按末年縣志宏引字鄰虛尚書大中季子也拔貢生性至孝能詩文子欽穀以祖廕仕爲郎宏引當受封不受推以予兄謁選得平度州同陞文登縣知縣未履任會亂平度城陷不屈死之

賈啓先

按平度州志啓先值兵變仗節殉難事聞旌表

賈騰蛟

按黃縣志騰蛟城陷奮力戰戰被圍殺之

王阜門

按黃縣志阜門任石泉令告老家居捐資守城城陷及於難贈光祿寺署正

王樹勳

按黃縣志樹勳生員阜門之子守城城陷以身捍父手刺殺數人被縛不屈殺之人稱忠孝士按院謝具題旌表

孫光第

按黃縣志光第城陷不屈被數創滾地叫罵裂腸而死

李嘉楨

按黃縣志嘉楨城陷不屈被殺

田之環

按黃縣志之環住北關入城守禦城陷被害

陳孔道

按黃縣志孔道生員城破之日孔道整衣冠被害先聖廟中後人見其手捏會牌皆書姓名蓋自必死也

張問達

按黃縣志問達任瀘州同旋里糾衆守城城陷遇害贈治中

王際辰

趙五典 王璧光 王鉅臣 王予爵 王加桂 王宋譽 田振奇

按黃縣志王際辰趙五典王璧光王鉅臣王予爵王加桂王宋譽俱生員守城死難其村居路遇死難如田振奇者多不具載

馬任高

張四箴 趙惟純 馬正大

按黃縣志馬任高張四箴趙惟純俱鄉約者老城陷死難馬正大縣胥亦殉之

陳夢琛

按蓬萊縣志夢琛號瑞南恭靖嫡孫以廕歷知府祖遺田產資財義讓諸弟居官多善政城陷殉難

王琰

按寧海州志琰以指揮食事署監軍道中軍事登城破巷戰死

董國柱

按寧海州志國柱嫻弓矢熟韜略兵刃交加恩忠不屈

廬江王載堙

按懷慶府志廬江王載堙闖賊陷城被執大罵死之

何炳若

按懷慶府志炳若河內人以歲貢司訓霍丘闖逆攻霍丘城陷罵賊不屈而死贈國子監學錄妻潘氏亦自縊以殉

鄧天德

按懷慶府志天德河內縣民崇禎五年流寇至天德父子五人辱罵不屈全家歿於寇

趙湛

按懷慶府志湛河內人以土兵禦寇戰死母妻子皆自盡

衛正印

按懷慶府志正印河內人與黃遊擊分汛守太行碗子城督土兵百餘人啖菜根不飽寇至執正印正印大怒罵曰我本菜傭上官假我守備職豈肯與若曹伍寇立磔之

湯執中

按嘉興縣志執中以掾吏除江西廬陵丞崇禎壬申粵寇入寇吉安永豐直抵泰和百戶梁學被殺勢甚猖獗巡道蕭應坤遣執中至富田募鄉兵禦寇執中至賊擁衆突至富田殺富田巡檢龍德新民被殺者甚衆次日執中率衆與賊遇於水河州奮勇直前手刃一賊氣甚壯不意馬前刀手被賊斫死執中馬驚蹶遂被害撫按上其事嘉褒卹

梁體坤

按臨潼縣志體坤字寧宇邑增廣生崇禎五年流寇

縱掠其地令爲牽馬坤大罵曰我朝廷士子豈爲爾賊奴驅使耶舉刃斷其四指遂被害

路鴻猷

按平順縣志鴻猷崇禎五年流寇攻城鴻猷蒙徐邑侯簡委守城晝夜督勸民夫堅心死守城陷爲賊所執罵賊不屈被火焚身而死

王達

按保縣志達幼業儒遇番索戰士民畏不敢鬪達臥城門待旦力戰死

張文浩

按博興縣志文浩任北直安肅縣學訓遇亂或曰公無城守責文浩曰學官非國家臣子耶分汛固守城陷死之

柳毓融

按博興縣志毓融任臨清參將遇變督軍守禦甚嚴俄敵自他汛登城毓融猶巷戰敵漸衆毓融曰大廈卽傾非一木能支惟有一死以報國被創死妻王氏見城陷亦赴井死

牟孔教

按博興縣志孔教任恩縣訓導城陷不屈死之

張丕式

按雒南縣志丕式任直隸三河縣訓導時三河震蕩委身殉城無所規避蓋死難之臣也

周昌會

李崇樂 張守霜 楊狗子 鄭應秋 張三 劉極 丘小月 洪保兒 孟九

各

孟之奎 張福兒 孫鳴海 于守道

按昌黎縣志崇禎間邑城被圍周昌會李崇樂張守

霜楊狗子鄭應秋張三劉極丘小月洪保兒孟九各孟之奎張福兒孫鳴海于守道同力協守城陷死難巡撫楊嗣昌疏建祠令有司春秋蜡祭刊石豎碑以垂不朽

趙世祥

高聲駿

卜雲吉

郭來貴

張友

貴

鍾五兒

翟三

龔自學

李蕃枝

單

應武

朱可昌

梁民樂

于守通

梁世文

吉郭來貴

張友

鍾五兒

翟三

龔自學

李蕃枝

單

應武

朱可昌

按昌黎縣志崇禎間邑城被圍趙世祥高聲駿卜雲吉郭來貴張友貴鍾五兒翟三龔自學李蕃枝單應武朱可昌梁民樂于守通梁世文同力協守城陷死難巡撫楊嗣昌疏建祠令有司春秋蜡祭刊石豎碑以垂不朽

王六兒

劉君福

孫來各

王國臣

李思謙

張六指

郭得名

于大才

王六

孫

三

周德純

齊福

拽梯郎君

按昌黎縣志崇禎間邑城被圍王六兒劉君福孫來各王國臣李思謙張六指郭得名于大才王六孫三周德純齊福拽梯郎君同力協守城陷死難巡撫楊嗣昌疏建祠令有司春秋蜡祭刊石豎碑以垂不朽

欽定古今圖書集成明倫彙編官常典

第七百四十四卷目錄

忠烈部名臣列傳三十九

明十

李養裕	徐明揚
樂濟衆	童維坤
李中正	靳謙書
馬足輕	許輝
劉君培	馬山
李登英	裴君合
方國儒	王紹正
常存畏	劉定國
越效忠	黃從貴
陳冊	翁鉞
王乃黃	閻調化
趙吉士	戴崇名
李儀化	魏完真
盧開運	宋禧
李文鵬	李鼎翦
王之禎	宋務崇
王澤溁	宋獻猷
宋之望	王澤注
胡廷臣	牛瑞
申則古	申紳
焦文耀	袁楫
朱自盛	袁準世
趙化鳳	陳濟

馬恆年	何承光
高日臨	高錫
陳國俊	郭纘化
王永年	郭震辰
田實	費彥芳
陸夢龍	龐瑜
董三謨	元嗣成 第三子士樞 士模
李之蔚	魏炳
婁琇	蒲來舉
呂鳴世	宋緒湯
閻生斗	李師聖
王本立	張文魁
蔣秉采	于世奇
陳彥武	馬如牙
張標	路登甫
石崇德	朱呈瓊
霍貫道	宗禮
李竿	張修身
黃孟五	胡滾 第沛
謝志望	胡夢雷
金應揚	何常明
王基	蕭承運
彭鼐	葉三
魏捷	張以謙
張景耀	徐邦瑞
東肇商	徐應龍
徐應鼐	趙國鼎

簡而可	周應泰
權時	朱弘道
龐失名	梁孕龍
杜孟春	楊泰運
楊泰初 子善	張士俊
熊肇勳	雷二狗
王說	王愛
劉波	任三才
尹相湯	閻三綱
張斗	閻絃
王希賢	閻珩
閻舜卿	閻光忠
閻完	閻光斗
閻光極	閻光寰
艾之厚	蘇來聘
李國棟	強以德
閻光啓	焦宗性
焦自知	殷學尹
殷紹湯	尹得民
強以恕	強聰
俞際飛	宗印
丘憲文	李未茂
李皓如	李隆
李國柱	李粹
李時中	韓演
楊體亨	楊世浩
楊世煜	楊徵

